

Na osnovu člana 88. i 89. Zakona o javnim nabavkama („Službeni glasnik BiH“, broj: 39/14), a nakon provedenog postupka nabavke putem konkurentskog zahtjeva za dostavu ponuda, objavljenom na Portalu javnih nabavki, broj: 654-7-1-146-3-15/18 dana 27.12.2018.godine i Odluke o dodjeli ugovora, broj: 01/01-3365/14-2018 od 28.01.2019. godine, ugovorne strane

PRIRODNO-MATEMATIČKI FAKULTET Univerziteta u Sarajevu, ulica Zmaja od Bosne 33-35, kojeg zastupa prof. dr. Mustafa Memić, dekan Fakulteta (u daljem tekstu: naručilac),

i
„**Mega-Roll**“ d.o.o. **Gračanica**, kojeg zastupa Samir Saletović, direktor (u daljem tekstu: dobavljač) na dan 18.02.2019. godine, zaključuju:

UGOVOR

o nabavci robe

PREDMET UGOVORA

Član 1.

Predmet ovog Ugovora je **NABAVKA PROZORA SA UGRADNJOM za potrebe Prirodno-matematičkog fakulteta Univerziteta u Sarajevu**, a na osnovu provedenog postupka po konkurentskom zahtjevu, objavljenom na Portalu javnih nabavki, broj: 654-7-1-146-3-15/18, dana 27.12.2018. godine, prema usvojenoj Ponudi koja je sastavni dio ovog Ugovora, a koju čini obrazac za cijenu ponude Aneks 3 tenderske dokumentacije.

Član 2.

Naručilac se obavezuje da za vrijeme trajanja ovog Ugovora, a u skladu sa ugovorenim uslovima, nabavi od dobavljača proizvode prema ponudi i isti ih dobavljač ugradi, a prema specifikaciji, uz ponuđene garancije kvaliteta.

II CIJENE, PLAĆANJE I ISPORUKA

Član 3.

Dobavljač će snadbjevati naručioca po cijenama iz Ponude, koje su ponuđene od strane Dobavljača u provedenom postupku po konkurentskom zahtjevu za predmet ovog ugovora.

Član 4.

Ukupna ugovorna cijena za predmet Ugovora iz člana 1. Ovog Ugovora, bez poreza na dodanu vrijednost iznosi:

=19.532,49 KM

(Slovima: devetnaest hiljadapetstotinatridestidvije i 49/100 KM)

Porez na dodanu vrijednost (17%) iznosi:

= 3320,52 KM

(Slovima: tri hiljadedvadeset i 52/100 KM)

Ukupna ugovorna cijena za predmet Ugovora iz člana 1. Ovog Ugovora, sa porezom na dodanu vrijednost iznosi:

=22.853, 01 KM

(Slovima: dvadesetidvije hiljadeosamstotinapedesetitri i 01/100 KM)

Član 5.

Ugovorne strane su saglasne da se plaćanje vrši po urednoj isporuci i ugradnji predmeta ugovora u roku od 15 dana od dana ispravno ispostavljenje fakture.

Član 6.

Dobavljač se obavezuje da će naručene proizvode isporučiti i ugraditi u roku od 30 (trideset) dana, od datuma pismene narudžbe naručioca, mjesto isporuke FCO skladište naručioca.

U slučaju kašnjenja u isporuci i ugradnji roba, do kojeg je došlo krivicom odabranog ponuđača, isti će platiti ugovornu kaznu u skladu sa Zakonom o obligacionim odnosima u iznosu od 1% naručene robe, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti robe koja je predmet narudžbe. Odabrani ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa.

Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveze postane nemoguće zbog vanrednih vanjskih događaja na koje izabrani ponuđač nije mogao uticati niti ih predvidjeti.

III TRAJANJE UGOVORA

Član 7.

Ugovor traje 60 dana od dana zaključivanja.

IV PRIMOPREDAJA RADOVA

Član 8.

Kada nabavka i ugradnja prozora iz predmetnog ugovora bude izvršena, dobavljač je dužan da pismenim putem zatraži primopredaju radova u objektu.

Primopredaju izvedenih radova izvršit će predstavnici Naručioca i Dobavljača. Naručioc i Dobavljač su dužni da pristupe internom tehničkom pregledu - prijemu radova najkasnije u roku od 7 (sedam) dana nakon dobijanja obavijesti iz prethodnog stava.

V GARANTNI ROK ZA KVALITET

Član 9.

Dobavljač, računajući od dana primopredaje robe i radova u objektu, daje garanciju za kvalitet na:

- Profile, minimalno 10 godina;
- Okove i stalo, minimalno 5 godina;
- Elektroniku, minimalno 2 godine;

VI OTKLANJANJE NEDOSTATAKA

Član 10.

Dobavljač se obavezuje da će otklanjanje nedostataka izvršiti u roku od 7 (sedam) kalendarskih dana, a eventualnu zamjenu nastalu u garantnom roku izvesti za 7 (sedam) kalendarskih dana od dana dobivanja pismene obavijesti od strane Naručioca.

VII RASKID UGOVORA

Član 11.

Pravo na raskid ugovora zadržavaju obje ugovorne strane u slučaju da jedna od ugovornih strana ne ispunjava svoje ugovorne obaveze, s tim što su obavezne da o svojoj namjeri pismeno obavijeste drugu ugovornu stranu najmanje u roku od 30 (trideset) dana unaprijed.

VIII ZAVRŠNE ODREDBE

Član 12.

Dobavljač kojem je dodijeljen ugovor o javnoj nabavci nema pravo zapošljavati, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažovala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

Član 13.

Ugovorne strane su saglasne da se za sve što nije regulirano ovim Ugovorom, primjenjuju odredbe Zakona o obligacionim odnosima.

Član 14.

Ugovorne strane su saglasne da sva eventualna sporna pitanja riješe sporazumno u duhu dobrih poslovnih običaja.

Ukoliko ugovorne strane ne postignu sporazumno rješenje, za rješavanje spora nadležan je sud u Sarajevu.

Član 15.


Ovaj Ugovor stupa na snagu danom potpisivanja od strane ovlaštenih lica ugovornih strana.

Član 16.

Ovaj Ugovor je sačinjen u četiri (4) istovjetna primjerka, od kojih svaka strana zadržava po dva (2) primjerka.



Samir
Samir Saletović, direktor
„Mega-Roll“ d.o.o. Gračanica



Naručilac:

Dekan

Mustafa
Prof. dr. Mustafa Memić

Broj:
Sarajevo, 18.02.2019. godine

Broj: U1/U1-3365/18-2018
Sarajevo, 18.02.2019. godine